

# 1,4 milliuns per il Parc Adula

La regenza ha approvà il plan da gestiun e sustegna il Parc naziunal Adula

(cc) Ils onns 2010 fin 2014 sa participescha il chantun Grischun cun 1,4 milliuns francs vi dals custs per constituir il Parc naziunal Adula. La regenza grischuna ha concludì quai ed approvà il plan da gestiun correspondent da l'uniun parc Adula per la fasa da constituziun. A medem temp dumonda ella l'uffizi federal d'ambient da pajar in agid finanziel global da 2 milliuns francs.

Il chantun sa participescha vi dals custs mo, sch'ils posts spezialisads chantunals cumpetents vegnan consultads per fixar il perimenter definitiv da la zona centrala. Quai vala er per tut ils projects da l'uniun Parc Adula che tractan restricziuns d'utilisaziun pervia dal parc. L'uniun Parc Adula consista da las suandantas organisaziuns regionalas: organizaziun regiunala da la Calanca, regiun Mesolcina, regiun Tre Valli, regiun Surselva sco er da la regio Viamala.

Il cumenzament dal manaschi dal Parc Adula che s'extenda sin il territori da dus chantuns è previs a partir da l'onn 2015. Tenor l'avis da la regenza dispona il territori dal parc naziunal planisà da numerusas valurs naturalas e cun-



**Las regenzas dal Grischun e dal Tessin han approvà il plan da gestiun e dumonda a medem temp l'Uffizi federal d'ambient da pajar in agid finanziel global da 2 milliuns francs.**

KEYSTONE

tradas da fitg auta qualitat. Sco proxim duai ussa vegnir concludida ina convegna da program cun l'uffizi federal d'ambient. Plinavant sto vegnir concludida ina convegna interchantunala cun il chantun Tessin.

En il chantun Grischun èn enconuschents actualmain quatter projects da parcs. Ultra dal Parc naziunal Adula èn quai ils trais parcs nativals regiunals d'impurtanza naziunala biosfera Val Müstair, Parc Ela e Parc Beverin. Ils

quatter projects da parcs èn en differents stadis. Il Parc naziunal Adula stat davant la constituziun, il Parc Beverin vegn endrizzà ed il Parc Ela sco er la biosfera Val Müstair sa chattan facticamain en la fasa da manaschi.